

ادبیات کمونیستیکو علمی

هفته‌لق سیاسی ، ادبی ، علمی غزته‌در

جلد : ۵

سنه : ۳ ۳ ربیع الاول ۱۳۳۷ جمعه ایرتسی ۷ کانون اول ۱۹۱۸ نوسرو — ۹۷

مطبوعات قانونی و جرائم مطبوعات

تبع

قوانین موضوعه‌نك كافه‌سی بر احتیاج اوزرینه وضع و تطبیق اولندیغندن بالطبع بونلك یكانه محك وحدودی «احتیاج» در . بو حقیقت ، اربابجه معلوم ایسه‌ده بز ، حریت افكار و بیانك تحدیدی نه‌درجه‌یه قدر جائز اولور ، بو حقوق اساسیه‌نك تنقیصنی استیلام ایدن عوامل نه‌کی شیلردر ؟ سؤالیرینی آله‌رق الیوم مرعی اولان مطبوعات قانونتی تتبع ایده‌جکز .

موضوعمه کیرمه‌دن شوراسنی عرض ایده‌لم که حیات اجتماعی‌ده ، تاثیر سحرکاریسیله بتون بشریتك روحنی اسیر ایتش اولان « حریت » مدلولنی بلاقید و شرط قبول ایتك قطعياً جائز اوله‌ماز . چونکه معناسی کالنه مصروف فرض اولنسه ، نه انتظام عالم ، نه‌ده آثار مدنیت و ترقی وجود بوله‌بیلیر . هر کس ، روح و مزاجنه موافق اولان هر شیئی الله

ایتمکده حر اولسه ، مادی ویامعنوی هوس و آرزوسنی تطمین خصوصنده هیچ برقیده تابع بولمنسه ، قدستی معلوم اولان « حق » ک هیچ برماهیت اساسیه سی قالماز . بناءً علیه « حق » ک ساحه وجودیتنه بر تعرض تشکیل ایدن « حریت » لک تحدیدی ، جمعیات بشریه ایچون بر لازمه قطعیه در . آنجق بونک دائره شمولنی تعین و تقدیر ایتک ، پک معضل بر مسئله در . حکومت متمدنه نك کافه سنده مدون اولان قوانین تحدیده تنظیم اولنورکن ، اک زیاده نظر دقته آلتان جهت ، عامه نك منفعتی ناسنه تجویز ایدیه جک هر نوع تعیداتک ، - شخصی ویاعمومی اولسون - « حق » قارشو تجاوز و قوعی حاله منحصر قالملی قضیه سیدر . بووادیده واضح قانون ، حقوق عمومیه و شخصیه نك مصونیتنی بر رهبر حرکات کی قبول و کیفیت تحدیدی ، « احتیاج » حدودینی آشمیه جق نقطه ده تثبیت ایتک وظیفه سیاه مکفدر .

حریت افکار و بیانک شرائط تحدیده سنی محتوی اولان مطبوعات قانونلری ده بوذهنیت و اساسات علمیه اوزرینه تنظیم ایدنک لازمدر .

مطبوعات قانونمک تاریخیچه سنی شورا جقده قید ایتکی لزومسز کوریورز . آنجق ۳۲۴ سنه سندن بوکونه قدر بعض موادینک ایکی وی اوچ دفعه تعدیلنده دساتیر معروضه نك تمامیه نظر اهمیت و اعتباره آلتدینی فکرنده یز . قانون اساسینک ۱۲ نجی ماده سیله مؤید اولان حریت مطبوعات هر ثمانلی ایچون مقدس برحقدر . فقط برایانک حریت و حقوقنه تجاوز ، منفعت عامه بی اخلاص کی بر جرم ایقاعی حالنده و معین نقطه لرده قانونک صراحتی وجهله متجاسرینی جزایه دوچار ایتکده ، عامه نك امنیت و استراحتنی ، اولاد وطن آرمسندگی مناسبات اجتماعیه نك آهنگ و انتظامنی تأمینه مأمور اولان قوه عدلیه یه مفوض برحقدر . احقاق حق ایسه ، ملت و وطن ایچون بر نعمتدر . شیمدی مهم بر سؤال قارشتوسنده بولنیورز : عجبا مطبوعات جرائمی محاکم عمومیه ده ، سائر جرائم عادیه مثللو محاکمه ایدلمیمی و ماهیت جرمی تعین ضمنتده ارکان مطبوعاتک هر دعوی ایچون اجتهدینه مراجعته لزوم یوقیدر ؟ فکر مزه قالیرسه ، مطبوعات دعوالرینک محاکم عمومیه حضورنده رؤیتی ، محذوری اولدقن ماعدا بالخاصه مجرملرک لهنده بر جوق فوائدی مستلزمدر . قانون مدنیز ، حکامک حائز اولملری لازمکن اوصافی تعداد ایدیور . بناءً علیه هیئت حاکمه نك استقامت و اهلیتلی مسئله سی موضوع بحث بیه اوله ماز . او حالده سنه لرحه موقع قضایی اشغال ایتش ، عرض اولنان هر خصوص ایچون له و عایده کی مسروداتی قواعد علمیه یه توفیقاً تدقیق ایده ایده

کندیسندہ اظہار حق و حقیقت حسنک عادتاً بر طبیعت ثانیہ در ہندو اولسی لاید بولنان
فاضل ہیات حضورندہ جرائم مطبوعاتک محاکمہ سنی اساس اعتباریلہ قبول ابدیورز .
آنحق ، جرح ، قتل ، وفاتہ سببیت ، ازالہ بکر ، اسقاط جنین وسائرہ کی جرائمک تدقیق
ورؤیتی اثناسندہ ہیئت حکام ، حقیقتک تظاہری ایچون ، ارباب فن ووقوفک مطالعہ سندہ
مراجعت ایتک مجبوریت قانونیہ سندہ بولندیغی حالہہ جرائم مطبوعاتک محاکماندہ حکامک
وجداتی تنویرہ پک زیادہ یاردم ایدہ جک اولان بولہ مهم بر اساسک نیدن طولانی اہمال
ایدہ یکنی آکلایہ میورز . شو مطالعہ مزہ اعتراضاً دینہ بیلیرکہ : اور وپادہ بولہ ارکان مطبوعاتدن
برقاجنی اہل وقوف تعین و ہر مطبوعات دعواسی ایچون مطالعہ لرینہ مراجعت ایتک اصولی
یوقدر . اورادہ [ژوری] واردر .

نہ اعلا ! فکر مرک ساحۂ شمولی بوصورتلہ توسیع ابدلش اولیور . امر قضانک غایہ سی
توزیع عدالت و احقاق حق اولنجہ ، جرائم مطبوعات ایچون ارکان مطبوعاتدن متشکل
ہیئت عدولک وجودی بر لازمہ حالہہ کیریور . مطبوعات پک معضل بر مسلکدر . بر عبارتہ نک
حقیقت حالہہ ذم و یاقدحی ، ویاجود بشقہ بر اسناد و مقصدی مطبوعات قانونندہ کوستریلن
عناصر قانونیہ وجہلہ تمامیلہ ویاقسماً متضمن و محتوی بولندیغی تفریق ایتک ، آنحق مطبوعات
مسلکندہ اختصاص کسب ایتش اولانلرک ایشی اولمیدر . حکام کرامک بو خصوصی وپک
انجہ مسائلدہ ، ہم وظیفہ تقدیری ایفا ہم دہ حکم ایتملری ہر حالہہ عدالتہ وصول ایچون
کسیرمہ بریول دکدر . فکر مزجہ بونک ایچون ایکی چارہ واردر :

اولا — محاکم حقوقیہ و جزائیہ ذہ خصوصیتی حائر اولان مسائلدہ ماہیت ادعانک ویاعناصر
جرمیتک تعینی ایچون نصل ارباب فن و اہل وقوفہ مراجعتلہ راپورلری آلمقدہ و او اساسہ
کورہ بنای حکم ایدلکدہ ایسہ ، بر اہمیت ورقہ فوق العادہ بی حائر بولنان مطبوعات
دعوالرندہہ عینی اصولی تعقیب ایتک .

ثانیاً — اور وپادہ مرعی اولان اصول دائرہ سندہ ارکان مطبوعاتدن مرکب بر ہیئت عدول
معرفیلہ ، ہر مطبوعات جرمینک ماہیت قطعہ سنی تعین ایتدیرمک ، و حکم جہتی جزا
حکامنک صلاحیتلرینہ برامق .

بویکی اصولدن ہانکیسنک مرجح اولدیغی بحثہ کلنجہ : برنجیسنک ، اضاعۂ وقتی
موجب بر طاقم مخدورلری واردر . حالبوکہ مطبوعات دعوالری مواد مستعجلہ دن عدایدلک
وبوبابدہ متن قانونہ برقید علاوہ اولنق لازمدر .
[مابعدی وار]

کریمی احمد مافی